

Visoki predstavnik u posjeti Zenici



Visoki predstavnik Valentin Inzko danas je posjetio ArcelorMittal, na poziv te kompanije, kako bi prisustvovao prezentaciji o njenim trenutnim aktivnostima i budućim planovima za investiranje. Visoki predstavnik je istakao važnost investicija i novih radnih mesta u Bosni i Hercegovini te pohvalio ArcelorMittal za njihov doprinos, kao najvećeg izvoznika i jednog od najvećih korisnika željeznice. Također je ponovio koliko je važno provesti mjere za unapređenje zaštite okoliša.

"Kao što sam više puta rekao, BiH je zemlja sa ogromnim ekonomskim potencijalom. Međutim, mnogi investitori vide BiH kroz prizmu političkih ili administrativnih teškoća. Mora se uraditi više da zemlja postane odredište koje je zaista povoljno za nove poslovne prilike i može privući investicije, podržati privredni razvoj i omogućiti otvaranje novih radnih mesta i prosperitet koji su ovoj zemlji i njenim građanima toliko potrebni. Veći napor na zaštiti okoliša moraju biti sastavni dio tih aktivnosti", rekao je visoki predstavnik Inzko.